

書名 空同先生集六十三卷 嘉靖九年序刊本
撰者 明 李夢陽 撰
卷 卷二十二
內容分類 集 別集-明中葉
索書號 倉石:40084
編號 4008000

卷二十二



空同先生集卷第一

賦一十首

疑賦

思賦

省愆賦

緒寓賦

侯軒子賦

十首

賦

乾
坤
高卑易矣
星辰在
下
江河逆矣
天喬喬天

北郡李夢陽撰

鈍賦

述征賦

宣歸賦


寄兒賦

竹石賦



李空同全集

六





空同先生集卷第二十二

北郡李夢陽撰

詩 散篇六十四首

效李白體

沐浴子

少年行

洛陽道

河上公

邯鄲才人嫁為厮養卒婦

苦寒行

梁園歌

怨歌行

長干行

木中詩

野田黃雀行

結交行

梁園雪歌二首

69889

送友人入關

送李生京試歌

送友人之京三首

春日東王相國

避暑

汭園夏集贈鮑氏

贈鮑演二首

把酒

贈張生二首

別田進士

歲暮夜懷寄友二首

冬日夷門旅懷

行歌古澤中二首

白霧樹纍纍作花

故人殷進士特使自壽張來兼致懷作僕離

群遠趣頗有遊陟之志酬美訂約遂有此寄

紀夢

大霧翟左二子來訪

翟生苦節尚志人也邇從余河之上余嘉敬

焉作詩以贈

世不講曹李詩尚矣內弟曾余河上能章章

道也驚有此贈

酬錢水部錫山之招 寄錢水部

十四夜脩然臺二首 十五夜

十六夜 十七夜

客有笑余霜髮者走筆戲之

戲作放歌寄別吳子

晉州留別州守及東庶令用李白崔秋浦韻

客過屬驟雨過 結客行席上贈洪生

程生遊華山歸也誇我以絕觀動我以靈篇

爰贈此章抒我夙悵

懷湘曲

獵雪曲二首

泖溪吟

送藩幕張小山入朝

贈程生之南海

近竹吟

水司陶君種桃柳成各有詩予和二首

贈謝子二首

相逢行贈袁求之

效李白體

沐浴子

玉盤兩鴛鴦拍拍弄蘭湯
振衣馨香發彈冠有輝光
豈念蓬首女含情怨朝陽

怨歌行

漢主十離宮涼至花盡歇
面面怱玲瓏烟紗印秋月
天公顧我笑手弄雙玉玦
但笑不肯留去若流雲沒
憂來抱團扇揚鬢望丹闕

少年行

白馬白如雪銀鞍耀明月
騎出青雲樓揮鞭向金闕
自言事武皇出身爲椒房
結交樂通侯擅名鬪雞場
尚主復賜第軒蓋一何光
被酒過都市殺人如剪蒿
左殪南山虎右斬北溟鰲
昨朝兵符至單于寇臨洮
奮身出玉門殺馬鬣寶刀橫行萬餘里叱咤威風起
奪馬貳師城長揖見天子調笑大將軍醉罵柱下史
生憎漢相如白首文園裏

長干行

體如玉山雪皎如瑤臺月郎來騎白馬調妾桃樹下
桃葉何柳柳不謂君行久倚門問來船見郎寄書否
洛陽道
桃花馬金絡頭白面郎紫貂裘三月洛陽道垂柳蔭
清溝溝水東流不記春花開花落幾迴新東風日暮
楊花起愁殺高樓獨倚人

宋中詩

六鷁退而飛乃向宋都過四海一震蕩青天白石墮
世人見此鳥仰面忽大笑誰知影不滅千載落光耀
余方卧空山聞此一長嘯

河上公

昔有河上公結廬蓬蒿下萬乘時一顧旌旗蔽原野
手揮玉如意顏貌何瀟灑曳裾授道經談天妙無窮
清光耀白日四海高其風言既忽不見竦身躡星虹
鳳凰棲梧桐鸚雀巢寒蓬饑鳶嚇腐鼠笑殺高飛鴻
物固有如此何必較愚蒙

野田黃雀行

鶉奔奔鵲僵僵來逢野田雀相逐過南疆北地苦霜
雪南地多稻梁人生美食被綺衣不及鴻鴈能高飛
鴻鴈下天遭網羅不食柰爾黃雀何

邯鄲才人嫁爲厮養卒婦

妾本寒家女誤入崇臺宮粉黛三千人花顏笑春紅
君王重歌舞幼小不曾通一朝意相近棄擲如秋蓬
昔爲高唐雲今爲馬牛風夜夢邯鄲道不識邯鄲中
金殿秋月滿歌吹行煙空白日耀千春何時燭微躬

苦寒竹

太行之山何崔嵬天寒谿谷禽獸飢黃熊赤羆力相
食翠衿繡翼徒南飛啄食飲泉百意足野田稚子寒
無衣張羅掛畢伺鳥雀口作雌雄鳴且悲鶴鷄小鳥
鼓翅落鼎食之家意不樂頓箸待爾登品錯奏應鐘
開玄堂氈幃錦幄冬夜長微禽効體樽俎光禿鶯鴛
鸞當簷翔

結交行

昔時韓生有艷妻其君使築青陵臺南山有鳥不肯
來烏鵲雖小禽不受鸞鳳猜以此築臺成二人葢寒
灰舉國見之悲且哀悲且哀斷人腸墳上連理樹
爲兩鴛鴦搯吮交頸綺翼張春風蛟蝶花飄揚君不
見酈呂結交日朝爲刎頸暮拋擲如此結交復何益

梁園歌

朝發金臺門夕度博浪關黃河如絲天上來千里不
見淮南山淮南桂樹弄娑娑掛席欲進阻洪波我今
亦作梁園歌梁園昔有信陵君名與岱華爭差我三
千珠寢不動色屠門執轡來相過功成不顯涕滂沱

青蠅白壁一何多我爲梁園客不登梁王臺錦帆揚
州門一去何時迴荒烟白草古城沒登臺望之令心
哀令心哀歌且謠迷途富貴苦不足寧思白骨生蓬
蒿人生三十無少年積金累玉空前熬獨立天地間
長嘯視今古城隅落落一堆土千年誰繼白與甫攬
淚浮雲灑煙莽灑煙莽風吹卷波濤沈吟投箸不暇
食蹴天濁浪河滔滔君不見昔人然諾一相許黃金
斗印如秋毫

梁園雪歌二首

昔對燕山雪若疑白玉京曉曳玉舌斂飄飄入紫清
今爲梁園客獨對梁園雪黃雲索寞連滄海九疑望
盡飛鴻絕
飄風動三極霏雪灑煙海天地倏低昂虛無變光彩
梁臺空嶮岬放馬今安在飛光超忽若游龍我欲從
之問千載

送友人入關

南山鬱幽幽豐水白浩浩烏啼漢城樹塵起咸陽道
馳馬東方來長鳴翻玉蹄春風吹綠草明月滿關西

送李生京試歌

黃龍玉帝宅紫極繞逶迤爾行霜雪盡恰值春風時
天起桃花浪烟搖御柳絲要知走馬地非是冶遊兒

送友人之京三首

與君何處別汴州金梁橋下有古時水遙接廣陵潮
君搖錦帆去萬里上雲霄我掇金光草方期白鶴招

二

鳳凰鳴珠樹紫鴈滄溟外賈鄧登雲臺寧說富春瀨
此情難具陳臨河挽衣帶積雪太行路明滅客行邁

三

田方澹蕩人侯嬴亦監門老馬尚悲辛肯負信陵言
寶劔贈烈士明珠報王孫縱令滄洲去終戀紫宮恩

春日柬王相國

白露墮瑤草佳人秋思悲葉落今幾時忽復春風吹
榮華冒殘雪故村發新蕤爲問酒江客金尊開對誰

避暑

避暑空林酌行歌采綠薇南來一行鷺倒映金尊飛
淹留桂樹夕瀟灑芰荷衣明月宛相待休賦醉言歸

余園夏集贈鮑氏

曉挈金玉友出挹池風清脫巾薜蘿下悠然聽流鶯
白雲行杯中紅蕖媚初英得意時自笑冥哉塵外情

贈鮑演二首

我愛汝長子遠志日超忽浮雲似其心秋水清到骨
縱酒見天真探桂遲月窟携手眺大野滄波杳出沒

二

蒲亭杳何許雲海日浩蕩團團桂枝月秋照沙溪上

幾負春草曲空餘采菱唱盈盈吳門水何時理歸榜
把酒

把酒望天地邈然無可親龍蛇洞庭浦雪霰洛陽春
霧林坐鳴琴煙逕無歸人相思東山月夜夜懸西秦

贈張生二首

恠爾辭江漢長歌入宋梁北風吹凍野歲晏天雨霜
老馬棄不育悶殺田子方拍手笑侯嬴捐生計不彰
顧瞻臺闕地寒莽但蒼蒼

攬衣斷崖口悲風振古臺叫鴈驚逆雲萬里天爲開
雪榛覆寒莎松殿扃餘苔昔人邈安在日落寒色來
棄置勿復道且酌黃金杯

別田進士

子望河上雲我望城中月不共眼前酒况乃天外別
白沙亂海曙黃雲下燕雪後期轉超忽吾將泛溟渤

歲暮夜懷寄友二首

梁客梁甫吟北風號沙林連山激湍波海氣結愁陰
雖持一杯酒而有萬古心越鳥不巢燕代馬不戀越
天明太行雪霜凍洛門月風颭湘流深冥冥蒼梧隔
逝矣徒離憂芳蘭爲誰結

歲窮長年悲越吟遊子思寒風起枯楊夕坐知天霜
落星動海白飛沙吹雲黃蕭蕭孤蓬轉萬里何超緬
沉吟卷道帙惻愴淚如霰入河討沉淪蹈海事游衍

傳書寄麻姑與爾期相見

冬日夷門旅懷

十日五日霧一冬半冬陰行子念歸旋朔風莽悲吟
蒼蒼孟諸原慘慘杼秋林東望清淺流頗劇溟海心
川陸曠超緬浩然煙水深百齡一何適萬化相推尋
徒傳羽化迹不見鸞吹音清霜颯滿鏡紅顏倏頽侵
邈彼五湖子賢哉吾所欽

行歌古澤中二首

古澤古雲遊帶索被羊裘川寒凍日白海暝孤雲愁
鷓鴣叫禿木鴻鴈遵方洲腸斷悲哉客黃河不斷流
二

川原望不極愁思滿歸襟雲蔽長安目水流湘浦心
頽陽滅遠樹積雪明寒岑醉起海月照行歌入霧林

白霧樹疊疊作花

不作江南客空登河上臺夢中到孤山笛裏落寒梅
今朝走白霧萬枝參差開紫宮散花女騎龍下瑤陔
恍惚弄珠人玉塵生羅襪歲蕤復颯杳光采半明滅
朝陽勿遽晞留之慰超忽

故人殷進士特使自壽張來兼致懷作僕離

羣遠遁頗有遊陟之志酬美訂約遂有此寄

我生寡諧俗志與山林期謬擬渭川載豈羨荆山悲
弱齡不解事走馬長安郊紫綬雖掛身丹丘阻逍遙

心隨萬里雲舒卷何蕭蕭翩翩朱鳳凰飛集梧桐樹
冠蓋交路衢青雲有捷步彈冠無鈍劓結交盡雄才
殷君起東魯我使關西來揖鞭塵埃中朗如玉山開
時從二三友覽古黃金臺四序更代易人生豈常遇
相如歸蜀都賈誼長沙去去遊梁園耕釣孟諸藪
日月東西沒黃河落天走雲沙白皓皓萬里見海口
雄劔掛土壁褐衣被兩肘朝從河上公暮逐墟中叟
有時弄清漪明月在我手壽張三百里北望一何邇
未移山陰棹先枉石川鯉剖鯉得素書故人今何如
錦字借華星照耀蓬蒿廬空谷激寒雷冬庭轉蘭芳
曉起誦瑤音夜夢君之旁書中何所有相期陟東岳
巖石丈人峰彷彿几前落倏如佩蒼龍倒景騎玄鶴
願從東道主握手翔寥廓

紀夢

夜夢走西陸半天落金城天門兩壁開見之駭心情
大江橫其西落日懸金盆日流江波湧霞彩照乾坤
我問此何方云是湧金門揮手上雲樓邂逅錢世恩
把袂凌天梯笑倒黃金樽袖出石室訣飲我金莖露
人區杳難托東指蓬萊路夢醒不見君空江暝煙霧

大霧翟左二子來訪

蒸煙暝萬古垂雲結樓臺白日墮空冥天地安在哉
川嶽冰穹崇寒林倏花開對酒不能飲擁褐心悲哀

崔生崔羅裔左氏麟經才攀稽涉古陂訪戴臨河隈
兩騎踏蒼茫宛如空中來日夕嚴飈興稍見歸鴉度
雖開宴臺雲不辯焦橋路呼兒斲凍蕨然蒿寫秋露
談玄析綿邈覽古悲沿沂停杯劃一笑茫然獨四顧
崔生苦節尚志人也邇從余河之上余嘉敬
焉作詩以贈

原子懸鶉衣仲蔚蓬蒿丘蒼烟卧木石浮雲傲王侯
常懷一飯恩不顧千金酬絃歌空桑裏登嘯大岡頭
眷念墟中約慙慙河上遊我亦釣鰲者佳期杳滄洲
世不講曹李詩尚矣內弟會余河上能章章
道也驚有此贈

曹植白馬篇李白飛龍引流光耀千古不與日星隕
世人捧心戚番爲西子哂左生三十歲雅志測沉冥
鯨飲傾百川自稱吾酒星今朝理酒舩來過子雲亭
高談叫太白八斗揮雷霆霜雲連山海氣惡柳枝綬
簸氷花落此時萬里無人煙誰信清吟動池閣動池
閣生暮愁雪澤古龍寒啾啾他時爾獻三都賦我釣
長江萬里流

酬錢木部錫山之招

無錫錢少陽招我棲錫山江上千萬峰裊裊凌江關
下有震澤湖旁有太伯灣昔時蘇公慕陽羨陽山錫
山對相見我獨何爲阻茲游西風吹心落吳甸我問

錢少陽汝今在何所振轡金馬門看花曲江許徐庶
竟辭劉張翰憶吳州鵝湖雲嶼間鴻山林樹秋我今
放浪黃河隅遙憶白粲心鬱紆幾時彈劍賦歸來與
爾共醉芙蓉湖

寄錢水部

我今在何所牧釣睢川陽子今在何所飛蓋臨東方
高山大澤不我限胡爲日夜遙相望鴻鴈日南飛不
寄一封書離別春草生想思秋葉踈朝看渤海雲暮
眺滄洲月樹寒多天風相思幾時歇

十四夜脩然臺二首

正德初李孺潛河上築脩然之臺

中州可以望天地黃河之水何恍惚爲此築臺臨其
涯坐看月生復月没今年中秋地無雲綠烟溟濛海
月發金流水波貝宮湧蛟龍出遊爭海月我欲乘槎
捉蛟龍浪高力微懼滅歿嗚呼滅歿不足惜只恐竟
無益

蓬池有嘯臺夷門有吹臺二臺突兀眼前一抔土英
雄落莫成今古我今有臺不嘯復不歌月高霜白如
夜何臨洪河望四海山川悲月不改昔日芒碭五色
氣烟銷浪滅今安在

十五夜

去年燕山南易木北終宵待月不可得露雲崢嶸蔽

瑤闕頓著停杯三太息今年有月復有臺海門煙滅
沒四顧天地開何爲不飲歌且哀君不見少年時馳
逐京洛陌夜夜謹呼山月白揮鞭不顧五陵客月圓
月缺天有之人生豈復如舊時不如采取靈兔藥富
貴浮雲豈足樂

十六夜

唧唧復唧唧當戶鳴促織月中何所有云是仙桂枝
此桂開花復結子安得夜夜常不虧君不見梁園酒
一斗錢十千昔時信陵有賓客不飲豈足稱豪賢直
須醉酺卧草澤明日射獵睢陽川

十七夜

三日不見月見之半輪沒清光猶能鑒毛髮不愁倒
卻婆娑樹只恐損破清虛闕清虛闕在何許白氣熒
熒走金虎雖有三萬六千戶手提玉斤不敢補涼風
颼颼自西來吹我衣心獨苦長歌潛行搯洲莽

客有笑余霜髮者走筆戲之

客且盡手中觴不須笑我頭上霜客盡觴且停之聽
我高歌霜髮詞君不見天上烏東跳西走不相待又
不見黃河水萬古滔滔向東海我身不是南山松又
不是山上峰奈何與年少爭春風鬪雞走狗傾春紅
君不見昔時孔仲尼轍環顛顛無已時盜跖殺人如
亂麻錦衣高壽顏回嗟聽我霜髮歌歌短情則多軒

車駟馬渾等閑何似日銜金叵羅金叵羅青玉案何
以贈客錦繡段頭白頭白何須嘆

戲作放歌寄別吳子

吳名廷舉字
獻臣蒼梧人

惟昔少年時彈劍輕遠遊出門覽四海狂顧無九州
獻策 天子賜顏色錫宴出入黃金樓揚鞭過市萬
馬辟半醉唾罵文成侯結交盡是扶風豪片言便脫
千金裘彎弓西射白龍堆歸來洗刀青海頭崑崙河
磧不入眼拂袂乃作東南遊江海洶湧浸日月島嶼
蹙香混吳越匡廬小瑣奉可碎鄱陽觸怒踣欲裂澤
中龍恠能人言噴濤吹浪昏漲天大鵬舉翼四海窄
笑爾戈人何慕焉東湖子君非泖忍閻穆取位之丈

湖一作吳

夫余亦豈卑卑與世而浮沉恂復共鬪非庸劣庸庸
終投萬古欽攀鱗掃氛代不乏我豈復戀頭上簪
門黃犢穩足駕商顏紫芝山固深有飛倘附秋空音
晉州留別州守及束鹿令用李白崔秋浦韻
荒原送行客白楊起西風雙鳧下雲漢五馬繫秋桐
連城滹水上馳譽燕代中登高望雲海離思浩無窮
客過屬驟雨過

鳴雷不終夕急電偶來同城波靜綺席苑樹生長風
雨殘白日外虹垂青霧中爲愛揚州客留連尊酒空

結客行席上贈洪生

翩翩紫騮馬燦燦雲花袍結客梁州市傾心贈寶刀

意氣凌朱亥英聲蓋伯高見說烟塵起橫行是爾曹
程生遊華山歸也誇我以絕觀動我以靈篇
爰贈此章抒我夙悵

君行值杪秋飄飄登雲巔笑弄石蓮花俯漱玉女泉
秦時采松女有無嬉紫烟雙騎兩茅龍曾逢呼子先
夜棲何峯室遇師叩何詮一虎嘯海月萬壑驚風旋
颯然毛骨換錯落神光圓晨興扳長蘿朗詠青霞篇
黃河衣帶去蓬萊瞪目前赤日跳扶桑仙掌發紅鮮
伊予歎茲游挂心三十年夢想落鴈頂携詩問青天
林麓限層雲奮飛悵無緣安能振衣去共爾追群仙

懷湘曲

湘筠寒翠滿白日起秋雲美人杳何處江氣長氤氳
手持紫玉管遙望青霞君藹藹波水暮何由致慇懃

獵雪曲二首

日光搖白雪黃雲片片裂狐裘誰家郎駿馬如電掣
馳騁復徘徊掉臂角弓開一發中雙狸笑上梁王臺

二

荒荒凍日白出門雪一尺爰爰道左兔意態一何適
我弦纔一鳴不見彼行迹寄言遊獵人姑待春草碧

汴溪吟

濟川何必舟編竹便可涉秋風蘆白花汨沿水一葉
淺之不用維渡深豈須楫黑潭有龍氣雲起腥風接

送藩幕張小山入朝

騮馬向風嘶銀鞍翻玉蹄結裝紫薇下別我綠楊西
記室髮點漆參軍髯過臍馮唐莫恨老神物不終泥

贈程生之南海

生爲海南客幾度登羅浮天清衆島出萬水朝宗流
乘桴聖者嘆望洋遊子愁明珠與翡翠歲歲到神州

近竹吟

蕭蕭數竿竹每與寒歲期翠色酒中滿清風琴上吹
踈值月來處密當雪起時萬動紛華裡一杯聊自特
水司陶君種桃柳成各有詩予和二首

沿堤萬萬樹一插卽成林五柳陶公意甘棠邵伯心

許我聽鶯去携壺就綠陰

如何梁苑地忽見武陵津汎汎青霞水盈盈紅錦春
菓熟貧民食無兒許婦人

贈謝子二首

涼風吹海月當酒墮我懷愛此皎潔光願與君子偕
攬之不入手仰面看昭回銀潢南北流竟夕但徘徊

二

大河起長風挂席破黃濤問子今何之嶺海聊遊遨
羅浮綠髮人思之我心切幸君叩丹訣順風託鴻毛
相逢行贈袁永之

清晨客叩門授我一書札開緘錦雲爛鏗然玉相戛

問客何方來新下黃金臺揚鞭指河洛迴旆陵高崖
選珍掇琪艸探美收瓊瑰路逢赤松子並舉收氛埃
道同心乃冥神投誼難垂古人重良契豈必聲影偕
行行報嘉績貢此明堂材

空同先生集卷第二十二

空同先生集卷第二十三

北郡李夢陽撰

詩 五言律詩一百首

大禮一十四首

郊觀齋居東邊喬二太常

郊壇值雪

西天門候祀

恭陪郊祀紀成

郊祀以病不與

臥病酬邊君天壇步月見懷之作

大行皇帝挽詩二首

候輓

望 泰陵

謁孔廟

壇祀酒會

益王頌